

Sakspapir

Saksnr	Utvalg	Type	Dato
084/23	Kommunestyret	PS	26.10.2023

Sakshandsamar	Arkiv	ArkivsakID
Ketil Tjore	FA-C83	23/852

Val av formannskap 2023-2027

Vedlegg

Rettleiar om konstituerande møte i kommunestyre og fylkesting og val til folkevalde organ - juli 2023

Framlegg til vedtak:

Framlegg til medlemmer og varamedlemmer til formannskapet vert lagt fram i møtet.

Faste medlemmer	Varaliste
Arbeidarpartiet, Høgre og INP	Vara for Arbeidarpartiet, Høgre og INP
1. Morten Sognnes H	1. Frank Erik Øksnes INP
2. Per Lerøy Ap	2. Terje Håland Ap
3. Hege Ramsland H	3. Aslak André Bakke H
4. Ann Kristin Leirvåg Ap	4. Monika Thorpe Ap
	5. Kristoffer Myklebusthaug H
	6. Anette Kaland Ap
Senterpartiet og Samlingslista	Vara for Senterpartiet og Samlingslista
5. Bjørn Inge Dyrkolbotn Sp	1. Reidar Øksnes Sp
	2. Gro Kaland Sp
	3. Renée Semmingsen SL

Kommunestyret - 084/23 - 26.10.2023

KS - behandling:

Ordførar Per Lerøy (Ap) refererte framlegget til vedtak, som felles framlegg frå alle partia. Før vedtaket av formannskapet vart det vedteke at valet skulle gjennomførast som avtaleval.

Handsaming i kommunestyret:

Framlegget om formannskap, som avtaleval og med denne samansetnaden (over) sitt framlegg vart samrøystes vedteke.

KS - vedtak:

Faste medlemmer	Varaliste
Arbeidarpartiet, Høgre og INP	Vara for Arbeidarpartiet, Høgre og INP
1. Morten Sognnes H	1. Frank Erik Øksnes INP
2. Per Lerøy Ap	2. Terje Håland Ap
3. Hege Ramsland H	3. Aslak André Bakke H
4. Ann Kristin Leirvåg Ap	4. Monika Thorpe Ap
	5. Kristoffer Myklebusthaug H
	6. Anette Kaland Ap
Senterpartiet og Samlingslista	Vara for Senterpartiet og Samlingslista
5. Bjørn Inge Dyrkolbotn Sp	1. Reidar Øksnes Sp
	2. Gro Kaland Sp
	3. Renée Semmingsen SL

Saksopplysninger:

Bakgrunn

Val av formannskap er omhandla i § 5-6 med fleire i kommunelova.

Austrheim formannskap skal ha fem medlemmer med vara.

Medlemmer og varamedlemmer vert valde for heile valperioden 2023-2027.

Medlemmene i formannskapet skal i utgangspunktet veljast ved avtaleval, altså at medlemmene i kommunestyret på førehand er samde om korleis samansettinga skal gjerast, og røystar samla for det. Men dersom eitt medlem i kommunestyret krev forholdstalsval, så skal det gjerast slik, det inneber at kvart parti/gruppe legg fram si liste, og røystetalet avgjer fordelinga av plassar i formannskapet (d'Hondts metode).

Vurdering

Kjønnsbalanse inneber at det skal vera minst 40 prosent medlemmer av kvart kjønn, både for dei faste medlemmene i formannskapet (2+3) og for varamedlemmene.

Ved avtaleval stiller kommunelova § 7-7 tredje ledd krav om at det skal vera balanse mellom personar frå kvart kjønn blant dei medlemmene som blir valde, når ein ser på organet under eitt, både for dei som er medlemmer og dei som er varamedlemmer.

Ved forholdstalsval er det berre krav til representasjon av begge kjønn på dei ulike listeframlegga, men det er likevel krav om kjønnsfordeling i utvalet når det er valt (så langt det er mogleg). Det betyr at dersom eit listeframlegg får to plassar i formannskapet, så skal det vera ein mann og ei kvinne, tre plassar kan vera to kvinner og ein mann, fire plassar to kvinner og to menn. Det blir då henta opp representantar frå lengre nede på lista for å få til dette, enn så lenge dei har kommunestyremedlemmer å velja mellom frå det «rette kjønnnet».

Dagens formannskap (2019-2023) tilfredsstiller jo ikkje krava til kjønnsfordeling (4+1), men sidan to av listene berre fekk ein plass, og den siste lista hadde kjønnsfordeling 2+1 av dei tre plassane dei fekk, var det likevel innanfor sidan dette var gjort som eit forholdstalsval. Hadde dette valet av formannskap derimot vore avvikla som eit avtaleval, hadde det ikkje vore innanfor lovverket, då måtte ein av mennene blitt bytta med ei kvinne.

Krava til kjønnsbalanse i resultatet er altså strengare ved avtaleval enn ved forholdstalsval. Ein kan sjå for seg at den enkelte lista som er levert for eit forholdstalsval har riktig kjønnsfordeling på lista, men så får fem lister ein plass kvar, og alle listene hadde (til dømes) ei kvinne på topp. På denne måten kan ein få eit reint forkvinneskaps, men valet vil likevel bli godkjent.

Mandatutrekninga ved val av formannskapet skal gjerast med d'Hondts metode, der røystetala for kvar liste skal dividerast med delingstala 1, 2, 3, 4, 5. Sidan det er fem medlemmer i formannskapet, er det dei fem høgaste kvotientane som får desse plassane. I dømet under er det sett som føresetnad at kvart parti stiller med kvar si liste til forholdstalsval, og at representantane røystar på eiga liste:

d'Hondts metode					
Dividert med:	1	2	3	4	5
Ap	6	3	2	1,5	1,2
H	5	2,5	1,66	1,25	
Sp	3	1,5	1		
Samlingslista	2	1			
INP	1	0,5			
Her får Ap 2, Høgre 2 og Sp 1					

Ved eit forholdstalsval må Ap ha ei kvinne og ein mann, og likeins for Høgre. Om ein av desse listene med to plassar ikkje har begge kjønn mellom dei to første, skal det hentast opp frå lengre nede på lista, slik at dette kjem på plass.

Ved avtaleval er det berre krav om at det er kjønnsfordeling 2+3 samla. Det vil til dømes vera innanfor at Ap stiller med to kvinner, Høgre med to menn, og Sp med ei kvinne. Samla sett kjønnsfordeling 2+3, men ikkje frå det enkelte partiet/gruppa.

Konklusjon

Framlegg til medlemmer og varamedlemmer til formannskapet vert lagt fram i møtet.

